



mreža za
izgradnju mira

IZABERIMO *mir* ZAJEDNO

UDRUŽENJE MREŽA

ZA IZGRADNJU MIRA

GODIŠNJI IZVJEŠTAJ 2021

POZDRAVNI GOVOR

Sa zadovoljstvom Vam predstavljamo Godišnji izvještaj Udruženja Mreže za izgradnju mira (Mreže) za 2021. godinu. Iako je i u ovoj godini pandemija Covid-19 uticala na rad udruženja, uspjeli smo da brojne izazove prevaziđemo zahvaljujući timskom radu našeg osoblja, posvećenosti članova Upravnog odbora i Skupštine te podršci naših članica.

U 2021. godini uspjeli smo da izradimo i usvojimo niz strateških dokumenata koji će doprinijeti efikasnijem radu Udruženja i Mreže i ostvarivanju naše misije i vizije, te osiguramo da članice u naredne četiri godine dobiju pomoć u izgradnji individualnih kapaciteta kroz mentorske programe podrške. Zajedno sa članicama sproveli smo niz aktivnosti vezanih za izgradnju mira u Bosni i Hercegovini (BiH) te radili na pomoći članicama u prevazilaženju problema uzrokovanim situacijom vezanom za Covid – 19. Portal Mreže za izgradnju mira je i ove godine bio najčitaniji portal koji je administriran od strane organizacija civilnog društva, a među 80 portala u BiH uključujući i komercijalne portale. Uspjeli smo da se kroz naše projekte povežemo sa velikim brojem lokalnih zajednica i uspostavimo dugoročna partnerstva sa predstavnicima civilnog sektora, medija, biznisa i lokalnih vlasti. Posjetili smo 25 gradova u BiH iinicirali preko 15 zajedničkih aktivnosti sa njima.

Prethodna godina je ojačala našu saradnju sa organizacijama KULT, Fondacija Mozaik, Centar za građansku suradnju Livno i Fondacijom Tuzlanske Zajednice u pogledu programa namijenjenog održivom razvoju lokalnih zajednica. Također, nastavili smo uspješnu saradnju sa školama u BiH na programima koji promoviraju STEM obrazovanje i uspostavili saradnju sa nizom mirovnih organizacija u BiH i regionu.

Posebno smo ponosni što je 10. decembra nagrada „Goran Bubalo“ dodijeljena pojedincima i obrazovnim institucijama za zalaganje za ljudska prava i slobode te izgradnju i očuvanje mira.

Veoma nas raduje činjenica da su naši donatori imali povjerenja u naš rad i da smo uspjeli da osiguramo sredstva za naredne aktivnosti.

Naš tim od 9 posvećenih radnika iz tri grada u BiH i mreža istraživača koja broji preko 30 saradnika uspjeli su da urade tri istraživanja i organizuju veliki broj događaja kojima je prisustvovalo više od 1000 učesnika.

Pozivamo vas da se o našim izazovima i uspjesima u 2021. godini detaljno informišete u nastavku izvještaja.

Nataša Maksimović

Predsjednica Udruženja Mreža za izgradnju mira

SADRŽAJ

| | |
|--|----|
| <i>Pozdravni govor</i> | 1 |
| <i>O Udruženju Mreža za izgradnju mira</i> | 3 |
| <i>Aktivnosti Udruženja Mreže za izgradnju mira</i> | 4 |
| Akcije omladinskih organizacija povodom Dana pobjede nad fašizmom | 4 |
| Mir je naše najveće dobro – reagovanje Mreže mira na pokušaje narušavanja mira u BiH | 7 |
| Saopštenja za javnost | 8 |
| <i>Projekat porticus</i> | 9 |
| <i>Projekat Snagalokalnog</i> | 11 |
| <i>Projekat Tabla</i> | 15 |
| <i>Nagrade i priznanja u 2021. godini</i> | 18 |
| <i>Finansijski izvještaj</i> | 20 |

O UDRUŽENJU MREŽA ZA IZGRADNJU MIRA

Mreža za izgradnju mira je pokrenuta 10. februara 2010. godine od strane nekoliko aktivista_ica i organizacija, a iz potrebe za zajedničkim djelovanjem u cilju podizanja kvaliteta društvenog i ekonomskog života u BiH, kao i dugoročnog povećanja sposobnosti cijelog društva da se nosi s naslijedećem naše nedavne historije, s različitostima, te latentnim ili otvorenim sukobima na konstruktivan i nenasilan način.

Mreža je sve do kraja 2018. godine, kada je u mjesecu novembru registrovana kao pravno lice, djelovala neformalno. Većina njenih aktivnosti i dosadašnji uspjesi nastali su zalaganjem, trudom i volonterskim radom njenih osnivača/ica i članica. U ovom periodu od 12 godina Mreža je izrasla u jednu od najvećih i najodrživijih mreža civilnog društva u BiH. Web stranica Mreže i njeni društveni mediji, obilježavanje značajnih datuma ljudskih prava u BiH, te dodjele nagrada Srđan Aleksić i Mirovne nagrade postale su prepoznati resursi i događaji u državi i regionu.

Vrijednosti Mreže za izgradnju mira su

Kultura dijaloga → Humanost → Ravnopravnost → Poštovanje različitosti i slobode izbora
→ Sigurnost i mir u društvu → Zaštita ranjivih i marginaliziranih skupina društva →
Socijalna pravda →
→ Otvorenost → Solidarnost → Odgovornost → Sloboda → Suživot i tolerancija

Vizija Mreže za izgradnju mira je stabilno, demokratsko i prosperitetno BH. društvo koje vrednuje i poštuje mišljenja i potrebe svih pojedinaca, pojedinki i njihovih zajednica.

Misija Mreže za izgradnju mira je razvoj i facilitacija komunikacije, dijaloga, umrežavanja, saradnje i solidarnosti između svih društvenih aktera

AKTIVNOSTI UDRUŽENJA MREŽE ZA IZGRADNJU MIRA

Tokom 2021. godine Udrženje Mreža za izgradnju mira (Mreža) je nastavila svoje napore na umrežavanju organizacija civilnog društva, obrazovnih ustanova, aktivista i aktivistica i svih drugih u misiji izgradnje održivog mira u BiH, a članstvo Mreže za izgradnju mira nastavilo je rasti. Mreža je, kao i prethodnih godina, svoje napore usmjerila na podršku svojim članicama, ali i stvaranje prilika za organiziranje zajedničkih aktivnosti. Tokom 2021. godine Mreža je ukazivala na poteškoće i izazove koje je pred civilni sektor stavila pandemija COVID 19, stavljajući fokus na činjenicu da su neke od članica Mreže ostale bez svojih prostorija i bez podrške donatora.

Tokom 2021. godine Mreža je saopštenjima obilježila mnoge značajne datume kao što su: Međunarodni dan sjećanja na holokaust, Međunarodni dan žena, Međunarodni dan pobjede nad fašizmom i Dan Evrope, Dan sjećanja na genocid u Srebrenici, Dan bijelih traka, Međunarodni dan mira te Međunarodni dan ljudskih prava. Mreža mira je također reagovala i na prakse kršenja ljudskih prava, kao i na negativne pojave u BiH.

AKCIJE OMLADINSKIH ORGANIZACIJA POVODOM DANA POBJEDE NAD FAŠIZMOM

Povodom Dana pobjede nad fašizmom, pored saopštenja, Mreža za izgradnju mira je podržala nekoliko umjetničkih omladinskih akcija širom Bosne i Hercegovine. **U.G. Revolt** je iscrtavanjem murala u centru Tuzle obilježio Dan pobjede nad fašizmom i Dan Evrope. Idejno rješenje murala predstavlja golubicu u letu koja sa sobom nosi svima poznatu poruku „No pasaran“ (bos. Neće proći) koja je još u Španskom građanskom ratu Dolores Ibarurri ovjekovječila u borbi protiv fašističkih ideologija. Sam koncept murala je takav da golubica svojim vedrim bojama širi poruku mira, a poza u letu predstavlja slobodu koja nam je svima potrebna.



Mural u centru Tuzle

Centar za mlade KVART u saradnji sa Organizacionim odborom Bh. Povorce ponosa povodom 9. maja, Dana pobjede nad fašizmom i Dana Evrope koordinirao je aktivnost "Antifašizam je naš izbor" u nekoliko gradova širom Bosne i Hercegovine: Banja Luci, Tuzli, Zenici, Prijedoru i Sarajevu. U okviru ove aktivnosti organizirane su ulične akcije i kreiran i podijeljen promotivni materijal. Kroz javni poziv su bile pozvane LGBTIQ osobe i saveznici_e da se na značajnim spomenicima iz perioda antifašističke borbe sa LGBTIQ simbolima fotografišu, te putem društvenih mreža okupiraju online prostor sa porukama podrške i jedinstvenim heštegom #antifašizamjenašizbor i #bhpovorkaponosa, čime je bila promovisana inkluzivnost antifašističke borbe kroz uključivanje drugih marginalizovanih grupa.



Plakat „Antifašizam je naš izbor

DIS – Pozorište mladih Banja Luka u saradnji sa Pozorištem mladih Eko ART Bugojno i Mostarskim teatrom mladih povodom Dana pobjede nad fašizmom realizirao je akciju "Kad bi spomenici pričali", u okviru koje su mladi članovi ansambla u tri grada BiH kreirali zajednički umjetnički trominutni video u kojem su predstavili umjetničko viđenje (umjetnička instalacija) lokalnih spomenika iz NOB-a, kroz koji se vidi odnos prema spomeničkoj baštini nastaloj u vrijeme antifašističke borbe u Drugom svjetskom ratu.

Kreativni inovacijski centar Kakanj – Kick u saradnji sa NVO Alternative Kakanj organizirao je akciju "Stihovi za mir" u okviru koje je bio organiziran umjetničko-aktivistički performans čitanja stihova i popraćen ekološkom akcijom čišćenja Spomen obilježja – Partizansko groblje u Kraljevoj Sutjesci u Kakanju. Mladi su poslali antifašističke poruke kroz stihove poznatih pjesnika regiona.



Sedmice izgradnje mira 2021 – Odgovornost i snaga za izgradnju mira je u svima nama

Mreža za izgradnju mira pozivala je sve građane i građanke BiH da se priključe Sedmici izgradnje mira 2021, te podsjetila da, iako se obilježava jedanput u godini, Dan mira bi zapravo trebao biti svaki dan. Stoga, zadaća svih nas je da svaki dan zajedno i sistemski gradimo održivi mir jer doprinos svih nas je neophodan za život u državi gdje se međusobno cijenimo, prihvatamo i poštujemo, vrednujemo sve naše razlike kao bogatstva koja nas oplemenjuju i spajaju, njegujemo dijalog i zajedno gradimo ljepšu budućnost kako za nas, tako i za generacije koje dolaze. Mreža za izgradnju mira i brojne organizacije i škole iz čitave BiH su i 2021. godine organizirali aktivnosti u okviru Sedmice izgradnje mira, pod simboličnim nazivom *“Odgovornost i snaga za izgradnju mira je u svima nama”*. Kalendar aktivnosti je dostupan [na ovom linku](#).



MIR JE NAŠE NAJVEĆE DOBRO – REAGOVANJE MREŽE MIRA NA POKUŠAJE NARUŠAVANJA MIRA U BIH

Povodom političke situacije u BiH i prijetnji narušavanju mira u BiH, Mreža je pokrenula online kampanju, "Izaberimo mir zajedno", prilikom koje su aktivisti_ice iz cijele BiH slali poruke mira i nenasilja.



Članice Mreže za izgradnju mira sa porukama

Također, Mreža i njene članice uputile su pismo na više od 100 adresa u kojem su tražile osudu ratnohuškačke retorike. Pismo zapravo predstavlja apel upućen svim građanima i građankama u BiH, organizacijama civilnog društva, institucijama u BiH, političkim partijama, predstavnicima/ama akademskih institucija u BiH, EU Delegaciji u BiH, Vijeću Evrope, Misiji OSCE u BiH i drugim međunarodnim institucijama kojima je mandat mir, sigurnost i zaštita ljudskih prava, da oštrosudje sve napade na ustavni poredak Bosne i Hercegovine i ratno huškačku retoriku koju intenzivno koristi jedan dio političkih predstavnika/ca u BiH, a posebno da osude istupe pojedinih političara/ki. Ovim povodom održana je i press konferencija početkom mjeseca novembra 2021., u okviru koje je Mreža pozvala na očuvanje mira u BiH.



Konferencija za medije u organizaciji Mreže za izgradnju mira, Sarajevo 5. novembar 2021

SAOPŠTENJA ZA JAVNOST

<https://www.mreza-mira.net/vijesti/aktivnosti-mreze/saopcenje-za-javnost-udruzenja-mreza-za-izgradnju-mira-povodom-dodjele-frankofonske-nagrade-za-2021-godinu/>

<https://www.mreza-mira.net/vijesti/aktivnosti-mreze/mir-je-nase-najvece-dobro/>

<https://www.mreza-mira.net/vijesti/aktivnosti-mreze/saopstenje-mreza-za-izgradnju-mira-odgovornost-i-snaga-za-izgradnju-mira-su-u-svima-nama/>

<https://www.mreza-mira.net/vijesti/aktivnosti-mreze/saopstenje-mreze-za-izgradnju-mira-povodom-osmog-marta-medunarodnog-dana-zena-2021/>

<https://www.mreza-mira.net/vijesti/clanci/saopstenje-mreze-za-izgradnju-mira-povodom-medunarodnog-dana-sjecanja-na-zrtve-holokausta/>

<https://www.mreza-mira.net/vijesti/aktivnosti-mreze/saopcenje-udruzenja-mreza-za-izgradnju-mira-povodom-obiljezavanja-11-jula-dana-sjecanja-na-genocid-u-srebrenici/>

<https://www.mreza-mira.net/vijesti/aktivnosti-mreze/saopcenje-udruzenja-mreza-za-izgradnju-mira-povodom-9-maja-dana-pobjede-nad-fasizmom-i-dana-evope/>

<https://www.mreza-mira.net/vijesti/clanci/mreza-za-izgradnju-mira-sa-220-clanica-pozvala-na-ocuvanje-mir-u-bih/>

<https://www.mreza-mira.net/vijesti/aktivnosti-mreze/nagrada-goran-bubalo-za-humanost-prava-romkinja-mirovno-obrazovanje-i-prava-lgbtq-zajednice/>

PROJEKAT PORTICUS



PORTICUS

Udruženje Mreža za izgradnju mira je dobilo značajna sredstva da implementira projekat „Jačanje kapaciteta sektora civilnog društva u BiH cilju suradnje i stvaranja novog pozitivnog narativa“. Ciljevi projekta su 1) povećati kapacitet lokalnih organizacija civilnog društva da djeluju kao agenti promjena u svojim zajednicama i unutar Mreže za izgradnju mira i 2) povećati svijest među korisnicima interneta o potrebi suzbijanja govora mržnje i etnocentrične retorike te za mirnim dijalogom i nenasiljem. Trajanje projekta: septembar 2020. – avgust 2023. godine.

U 2021. godini implementirane su sljedeće aktivnosti:

- Objavljeno je 68 tekstova na temu mira na portalu www.mreza-mira.net,
- U martu je organizovana online radionica „Kreativnog pisanja i kritičkog mišljenja“ sa ciljem unapređenja pisanja o mirovnim temama organizacija civilnog društva i online sastanak organizacija civilnog društva sa područja Tuzle sa ciljem povezivanja organizacija,
- U maju je organizovan online dogadjaj „Susret donatora i OCD-a“ sa ciljem povezivanja organizacija i donatora,
- U junu je organizovan hibridni sastanak organizacija civilnog društva sa područja Banja Luke u Banja Luci, sa ciljem povezivanja organizacija,
- Kroz projektnu aktivnost godišnjeg susreta članica predstavnici organizacija civilnog društva su se susreli na sastanku održanom 24. i 25.06.2021. na Jahorini, ali i 20. – 24.09.2021. u Neumu sa ciljem unapređenja rada Mreže mira, te radili na izradi dva strateška dokumenta - Strateškog i Komunikacijskog plana 2021 – 2025,
- U novembru je za osoblje Udruženja Mreže za izgradnju mira organizovan „teambuilding“ u Vitezu sa ciljem poboljšavanja komunikacije i zajedničkog rada na poslovnim zadacima,
- Za predstavnike organizacije civilnog društva, članica Mreže, bio je organizovan Trening za izgradnju mira na Ilidži sa ciljem osvještavanja nenasilne komunikacije, donošenja zajedničkih odluka, ljudskih prava i diskriminacije,
- Dodatno je osoblje Mreže mira obučavano o metodi praćenja rezultata implementacije projekta „Outcome Harvesting“ i razvilo MEL plan.



Trening za izgradnju mira, 1- 2 decembar 2021

Participants (34)

Waiting Room (1) Message

In the Meeting (34)

Mreza mira (Host, me) Mreza mira (Co-host) WBF Western Balkans Fund (Guest) Abida Novi put (Guest) Adnan - SHL Sarajevo (Guest)

Chat

Centar za istraživanje u politici Argument, www.bitovik.org.rs

From Almira Šertović to Everyone:
Dobar dan svima ispred Udrženja Generacije

Pozdrav svima ispred Fondacije Muhamrem Berbić. Nerdžiš Čaplija, nerdzis.caplija@fmb.foundation i 061 399 330

To: Almira Šertović (Direct Message) File ...

Type message here...

Online događaj „Susret donatora i OCD-a“



Radionica „Izgradnja tima za osoblje Udruženja Mreža za izgradnju mira, 11-12 novembar 2021

PROJEKAT SNAGALOKALNOG

U okviru USAID-ove inicijative i programa Snaga lokalnog **Mreža za izgradnju mira radi na poboljšanju kapaciteta lokalnih zajednica i organizacija da samostalno rješavaju ključne i relevantne razvojne izazove u Bosni i Hercegovini (BiH)**. Ovaj petogodišnji projekat se sastoji od većeg broja aktivnosti kao što je u spostavljanje i upravljanje web platformom koja omogućuje razmjenu informacija između različitih aktera (organizacije civilnog društva, lokalne vlasti, predstavnici poslovnog sektora i građani) i pregled stanja njihovih međusobnih odnosa. U narednim godinama prioritet u radu Mreže je da kroz različite vidove institucionalnoj jačanja da podršku članicama i lokalnim organizacijama kako bi one same mogle kreirati održive „mehanizme samopomoći“ širom zemlje, posebno u područjima gdje takvi mehanizmi nisu lako dostupni. Također, Mreža mira radi na uspostavljanju i jačanju saradnje između ostalih komponenti programa Snaga lokalnog: Platforma za razvoj kapaciteta

- Institut za razvoj mladih KULT, Lokalne resursne organizacije - Centar za građansku suradnju Livno i Fondacija Tuzlanske Zajednice), Filantropija i pravno okruženje - Mozaik. Poseban akcenat u projektu je dat na članice Mreže njihovom umrežavanju te građenju njihovih kapaciteta u pogledu obezbjeđivanja njihovog održivog razvoja.

Web stranica snagalokalnog.ba

Tokom prethodne godine Mreža je direktno radila sa različitim društvenim akterima kao što su fondacije, uticajne lokalne organizacije, medijski portali i ključni akteri u lokalnim zajednicama. Već postojeća web platforma, Snagalokalnog, nadograđena je i prilagođena kako bi se povećale funkcionalnosti platforme i omogućilo njenom lakše korištenje od strane korisnika. Web stranica posjeduje 3 baze podataka, a jedna od njih je posvećena aktivnim korisnicima u kojoj je bilo registrovano njih 590. Dodane su nove funkcije, uključujući NextCloud platformu za dijeljenje datoteka i grupisanje članica oko zajedničkih projekata. NBP je zabilježio 27.715 jedinstvenih posjeta korisnika i 127 197 pregleda stranica. Objavljeno je 2460 različitih artikala, a primljeno je 538 članaka od članova ili korisnika NBP -a. Elektronska verzija baze podataka donatora ima 760 donatora. Google. Google Maps COVID-19 je registrovano 28.822 posjeta. Baza znanja se sastoji od 19 dokumenata, a resursna baza broji 164 korisna materijala, publikacije i informacije o dostupnim lokalnim pružaocima usluga. Linija za pomoć je dala 57 odgovora. LinkedIn je registrirao 1.167 pratilaca.



Sara Velaga: "Mladi moraju biti pokretači promjena u svojim lokalnim zajednicama!"

09/06/2021

Organizovane su 34 posjete u lokalnim zajednicama i pripremljeno i objavljeno 28 uspješnih priča. Mreža je razvila i implementirala komunikacijsku strategiju sa ostalim partnerima, organizovala 2 sastanka sa PR osobljem, 4 kvartalna sastanka i godišnju konferenciju za 28 učesnika. U saradnji sa vodećim partnerom Mozaikom, Mreža je učestvovala i facilitirala sve događaje u vezi sa projektom Filantropija.



Osnovana tri tematska zagovaračka tima koja će unaprijediti institucionalni i pravni okvir za dobročinstvo

05/08/2021

U okviru rada na uspostavi plana održivosti članica Mreže osmišljen je i u potpunosti implementiran proces strateškog planiranja (pripremljena i distribuirana on line anketa za

strateško planiranje, radionica projektnog tima, radionica strateškog planiranja rukovodstva mreže, Konferencija o strateškom razvoju NBP-a i konsultativni sastanak sa članovima NO i skupština). Provedena je procjena okruženja u kom djeluju organizacije, procjena organizacionih kapaciteta i finansijske održivosti, te procjena kapaciteta građanskih lidera u BiH i pripremljeni izvještaji. Plan održivosti Mreže je kreiran i poslat na komentar Skupštini Mreže.



Konferencija „Mapiranje građanskih inicijativa“, 29. novembar 2021, Sarajevo

Proces komunikacijskog planiranja je u potpunosti implementiran kako bi dopunio strateško planiranje. Izrađen je promotivni plan, završena promotivna kampanja i dodijeljena Mirovna nagrada Mreže za izgradnju mira za 2020. godinu. Organizirane su tri online networking konferencije: Obrazovanje u društvenom fokusu, Sinergija civilnog društva i Lokalni ekonomski razvoj u BiH: trenutno stanje, prilike i nova normalnost i jedna konferencija posvećena Ekološkim inicijativama. Jedinstvena baza građanskih inicijativa u zemlji je urađena nakon sveobuhvatnog mapiranja i postavljena na web stranicu. Kao dio ove procjene, organizirane su četiri online fokus grupe. Participativno mapiranje potreba zajednica u BiH provedeno je u 16 gradova u BiH i pripremljeno je 16 analitičkih gradskih izvještaja o potrebama zajednica koristeći ciljeve održivog razvoja UN-a (SDG).

Uspješno su razvijena četiri partnerstva koja će biti osnova za dalji napredak i rad lokalnih zajednica te inicirano 5 ideja.



Nagrada „Goran Bubalo“ dodijeljena je 10. decembra, Nihadu Suljiću za zalaganje za prava i slobode osobama u pokretu u BiH, a Indiri Bajramović za višedecenijski rad u borbi za prava i sigurnost romkinja i rodnu ravnopravnost svih žena u Bosni i Hercegovini. Pored pojedinaca, nagrada je dodijeljena i Centru za mirovno obrazovanje pri Filozofskom fakultetu Univerziteta u Sarajevu, a žiri je odlučio dodijeliti i specijalnu nagradu BH Povorci ponosa za hrabrost i za javno zagovaranje prava LGBTIQ+ pojedinaca i pojedinki.



Dobitnici nagrade „Goran Bubalo, 10. decembar 2021

PROJEKAT TABLA

Udruženje Mreža za izgradnju mira uključena je u provedbu dijela projekta općeg obrazovanja Tabla koji finansira USAID, a provodi Save the Children sa partnerima. Projekat je trebao trajati 5 godina i uključiti rad sa 100 odgojno-obrazovnih institucija u BiH, ali uslijed okolnosti

nepovoljnih za njegovo odvijanje na terenu donator je krajem 2020. godine skratio period implementacije na tri godine. Ovim je planirano da sve projektne aktivnosti budu sprovedene do juna 2022. godine. U protekloj godini rad je bio usmjeren na listu 50 odgojno-obrazovnih institucija iz Hercegovačko-neretvanskog Kantona i Kantona Sarajevo. Većina događaja je održana online zbog aktuelne pandemije, ali i pod takvim uslovima Mreža je uspjela organizovati:



Save the Children®

- U februaru webinar za nastavnike „Profesionalno sagorjevanje“
- U februaru online radionicu za djecu „Korištenje online alata u obrazovanju“
- U aprilu webinar za nastavnike „Dječje reakcije na stresne situacije“
- Od februara do juna je bio organizovan niz radionica liderima grupa psihološke podrške (5 ukupno)
- U julu i oktobru je bio organizovan niz online sastanaka sa predstavnicima škola iz Kantona Sarajevo i Hercegovačko-neretvanskog Kantona (ukupno 9)
- Krajem oktobra i početkom novembra su bila organizovana 2 online događaja za Noć istraživača i to na teme:
 - „STEAM iza horizonta“ <https://www.youtube.com/watch?v=KDUsJMIGWnU>
 - „Obrazovanje iza horizonta“ <https://www.youtube.com/watch?v=gOpySymYZ1M>
- Osim ovih aktivnosti Mreža za izgradnju mira je vršila redovno objavljivanje tekstova na temu obrazovanja sa fokusom na STEAM obrazovanje i objavila ukupno 139 tekstova.

A screenshot of a Microsoft Teams meeting interface. At the top, there's a header with the 'Zoom Meeting' logo, participant names (Lejla Čamo, Almasa, Semir Dedić), and a video feed for Benisa Bibuljica. Below the header is the Microsoft Word ribbon. The main area shows a presentation slide with the title 'TABLA' and the subtitle 'EDUKACIJA ZA 21. STOLJEĆE'. To the left of the slide is a navigation pane with five slides numbered 1 to 5. The right side of the screen displays a 'Participants' list with six entries: 'Mreža mira (Host, me)', 'Lejla Čamo (Co-host, guest)', 'Almasa (Guest)', 'Benisa Bibuljica (Guest)', 'Semir Dedić (Guest)', and 'Tanja Šnjegota (Guest)'. There are also sections for 'Chat' and 'Who can see your messages?'. The bottom of the screen shows the Windows taskbar with various icons and the system tray.

Online sastanci sa predstavnicima obrazovnog procesa

Webinari za nastavnike psihološke podrške

Online radionice za djecu

NAGRADE I PRIZNANJA U 2021. GODINI

Mreža za izgradnju mira dobitnica nagrade „Most za budućnost“

Udruženje Mreža za izgradnju mira je dobitnica frankofonske nagrade „Most za budućnost“ 2021, koju članovi frankofonskih ambasadora i šefova misije u Bosni i Hercegovini dodijeljuju svake godine.

Dodijela nagrade je upriličena ispred prostorija Udruženja Mreža za izgradnju mira, dana 04.05.2021. Povodom dodjeljivanja nagrade grupa frankofonskih ambasadora i šefova misija u Bosni i Hercegovini je izjavila:

„Mi, članovi Grupe frankofonskih ambasadora i šefova misija u Bosni i Hercegovini, dolazimo iz različitih kultura, raširenih širom svijeta. Međutim, dvije stvari nas ujedinjuju: dijelimo naklonost prema ovoj zemlji Bosni i Hercegovini i, iz različitih razloga, isti jezik na kojem, prije svega, govorimo zajedničkim jezikom. Željni bismo istaknuti i nagraditi napore koji idu u ovom smjeru. Ove godine, peta uzastopna godina, grupa frankofonih ambasadora u Bosni i Hercegovini dodjeljuje priznanje “Most za budućnost”. Ovo priznanje ima za cilj javno nagraditi pojedince ili grupe za uzoran način kojim su se bavili pitanjem dijaloga među kulturama i kulturom dijaloga u ovoj multi -zajednici i multikulturalnoj zemlji. Ovom simboličnom nagradom željni bismo pokazati da postoji volja za izgradnjom mostova između različitih zajednica u Bosni i Hercegovini i da je to sasvim prirodno“.



Fotografija sa dodjele nagrade „Most za budućnost“

“Mreža za izgradnju mira”, osnovana je na inicijativu Gorana Bubala. U 2010. godini Mreža uključuje više od 200 organizacija na cijeloj teritoriji Bosne i Hercegovine, radeći na projektima u tako bitnim oblastima kao što su dijalog između zajednica i između različitih religija i ljudskih prava, općenito, s posebnom pažnjom na prava žene i one iz osjetljivih grupa kao što su osobe u pokretu i LGBTI osobe. Sve članice „Mreže za izgradnju mira“, svaka u svom polju, dijele isti cilj: učvrstiti trajni mir u Bosni i Hercegovini. Civilno društvo igra ključnu ulogu u jačanju mira u Bosni i Hercegovini. „Mreža za izgradnju mira“ pružila je nevladinim organizacijama koje su njegove članice pl atformu za dijalog, razmjenu i koordinaciju koja je omogućila jačanje njihovog djelovanja. Mreža je takođe posvećena izgradnji konstruktivnog dijaloga i razmjene između zajednica, kako bi se prevladale rane iz prošlosti. Naše priznanje nosi naslov „Most za budućnost“: ovaj naslov savršeno opisuje značenje aktivnosti koje provodi „Mreža za izgradnju mira“, jer okuplja organizacije koje djeluju u interesu svih građana ove zemlje, bez obzira na njihovo porijeklo i pripadnost, pomažući tako „izgraditi mostove“ između zajednica i ojačati njihovo razumijevanje oko zajedničkih ciljeva. Stoga smo sretni i počašćeni što možemo zahvaliti „Mreži za izgradnju mira“ u okviru dana Frankofonije, kako bismo proslavili univerzalne vrijednosti koje su nam vazne za dijalog, mir, saradnju, solidarnost i održivi razvoj. Više o nagradi [pročitajte ovdje.](#)



Nagrada „Most za budućnost“

Finansijski izvještaj za 2021 godinu

Udruženje Mreža za izgradnju mira

1,00 € BAM 1,9558

Finansijski izvještaj za 2021 godinu

\$1,00 1,62690 KM

| A | TROŠKOVI | Total KM | Total EUR | Total USD |
|---|--|------------|------------|------------|
| 1 | Projektni troškovi | 357.512,28 | 182.793,13 | 219.750,70 |
| 2 | Plate sa porezima i doprinosima osoblja | 363.088,88 | 185.644,40 | 223.178,45 |
| 3 | Administrativni troškovi | 33.509,25 | 17.133,00 | 20.597,00 |
| 4 | Finansijski troškovi | 7.900,00 | 4.039,21 | 4.855,86 |
| 5 | Troškovi komunikacije | 2.319,86 | 1.186,13 | 1.425,94 |
| 6 | Oprema | 9.229,62 | 4.719,03 | 5.673,14 |
| 7 | Troškovi putovanja | 151,40 | 77,41 | 93,06 |
| 8 | Neprojektne aktivnosti Mreže za izgradnju mira | 5.985,80 | 3.060,49 | 3.679,27 |
| 9 | Ostali troškovi | 4.164,75 | 2.129,40 | 2.559,93 |
| | | | | |
| | UKUPNO TROŠKOVI | 783.861,84 | 400.782,20 | 481.813,35 |
| | | BAM | EURO | USD |
| 1 | PRIHODI | | | |
| | Prenos od prošle godine | 85.940,01 | 43.940,47 | 52.961,52 |
| 1 | Rockefeller Fund | 65.808,56 | 33.647,38 | 40.000,00 |
| 2 | Mennonite Central Committee | 21.354,82 | 10.918,55 | 12.913,43 |
| 3 | USAID - localworks | 546.218,52 | 279.277,09 | 337.023,47 |
| 4 | Godišnja članarina | 6.360,00 | 3.251,82 | 3.909,28 |
| 5 | Save the Children | 67.623,23 | 34.575,21 | 40.834,26 |
| 6 | MOZAIK Foundation | 5.661,41 | 2.894,63 | 3.426,80 |
| | | | | |
| | TOTAL REVENUE | 798.966,55 | 408.505,15 | 491.068,76 |
| | | | | |
| | DIFFERENCE | 15.104,71 | 7.722,96 | 9.255,40 |
| | | | | |

*

Plate, porezi, doprinosi i naknade uposlenika koji su pokriveni iz projektnih sredstava, nisu dio kategorije Projekti, već su u kategoriji Osoblje